

# В пятницу 4-й седмицы Великого Поста

## Глас 8

### Песнь 1

*Ирмос:* Колесницегонителя фараона погрузи чудотворяй иногда Моисейский жезл, крестообразно поразив, и разделив море. Израиля же беглеца, пешеходца спасе, песнь Бога ви воспевающая.

*Припев:* Слава, Господи, Кресту Твоему Честному.

Господню пришедше днесь Кресту, умом чистым, и благочестивым разумом, приидите, поклонимся, предлежит бо, даруя ему поклоняющимся освящение же спасительное, сияние, и славу, и милость.

Слава, Господи, Кресту Твоему Честному.

Живодаровательный Крест предлежащ, и зримый, световидное сияние благодати испущает, приступим и примем просвещение веселия, и спасение, и оставление, хвалу Господеви приносяще.

Слава, Господи, Кресту Твоему Честному.

Предлежит странное зрящим видение, Крест Честный, и якоже источник кипит Божественными дарованиями, и утоляет прегрешения, и болезни разрешает, и мудрования укрепляет, чисто приходящим к нему.

Слава: Жезл проображал Кресту победу, море секущий, имже мы верою непотопленно преплаваем жития воду непостоянную, и токов всех грехов избегнем, и Божественныя тишины исполняемся:

И ныне: Егда Тя, Чадо, неизреченно родих, болезней избегох, и како ныне вся болезней исполняюся? Вижду бо Тя висима яко злодея на Древе, землю несдержанно повесившаго, глаголаше Всесвятая, плачущи.

Спаси от бед раби Твоя, Владыко Многомилостиве, силою Честного и Животворящего Креста Твоего, яко мы усердно к Тебе прибегаем, милостивому Владыце, Господу Иисусу.

### Песнь 3

*Ирмос:* Утвердей в начале небеса разумом, и землю на водах основавый, на камени мя, Христе, заповедей Твоих утверди, яко несть свят, паче Тебе, едине Человеколюбче.

Слава, Господи, Кресту Твоему Честному.

Крест всех благих подательный, зрится поклоняемый, и вся тварь празднует в радости, просвещаемая благодатию, на нем волю вознесшагося Бога нашего.

Слава, Господи, Кресту Твоему Честному.

Осияваемы светом крестных луч, преполовлением священного воздержания, о мрачения грехов убежим, и возопиим: просвещение всех, Благоутробне Господи, слава Тебе.

Слава: Песнословим тя, Кресте, и облобызаем верою просяще, твоим могутством изми нас от сетей вражиих, и управи ны вся к пристанищу спасения, почитающая тя.

И ныне: Умерщвленную жизнь на Кресте зрящи, и не терпящи болезни утроб, рыдала чистая Дева, взываючи: увы Мне, Сыне Мой, что Тебе народ беззаконный воздаде?

Спаси́ от бед раби́ Твоя́, Влады́ко Многоми́лостиве, си́лою Честна́го и Жив отворя́щаго Креста́ Твоего́, я́ко мы усер́дно к Тебе́ прибега́ем, ми́лостивому Влады́це, Го́споду Иису́су.

Го́споди поми́луй. (*Трижды.*)

## **Седален, глас 6**

То́кмо водрузи́ся Дре́во, Христé, Креста́ Твоего́, основáния поколебáшася с мёрти, Го́споди; Егóже бо поглоти́ желáнием ад, отпусти́ трéпетом. Явил еси́ нам спасéние Твое́, Святы́й, и славослóвим Тя, Сы́не Бо́жий, поми́луй нас.

Слава: Крест Твой, Го́споди, освяти́ся, в нем бо бывáют исцелéния боля́щих м во гресéх; и́мже Тебе́ припада́ем, поми́луй нас.

И ныне: Днесь прорóческое испóлнится слóво: се бо поклáняемся на мéсто, идéже стоя́те но́зе Твои́, Го́споди. И Дре́во спасéния приéмше, грехóвных ст растéй свобóду получи́хом, моли́твами Богорóдицы, еди́не Человеколю́бче.

## **Песнь 4**

*Ирмос:* Ты моя́ крéпость, Го́споди, Ты моя́ и си́ла, Ты мой Бог, Ты моё ра́дование, не оставь нéдра Отча, и на́шу нищету́ посети́в. Тем с прорóком Авваку́мом зову́ Ти: си́ле Твоей слава, Человеколю́бче.

**Слава, Го́споди, Кресту́ Твоему́ Честно́му.**

Держáвный покрóв же и исправлéние челове́ком, непребори́мое ору́жие ве́ры, Крест спаси́тельный се зри́тся предлежа́щий, и всех сердца́ ве́рно приходя́щих освяща́ет, просвещáет благодáтию.

**Слава, Го́споди, Кресту́ Твоему́ Честно́му.**

В преполовéние воздержáния предлежа́щий, посреде́ всех преблагий Крест Честный среди́ земли́, на нёмже вознёсся еси́ волею́, Человеколю́бче, мир освяща́ет своим поклонéнием, и прогоня́ет дéмонския полки́.

**Слава, Го́споди, Кресту́ Твоему́ Честно́му.**

Не́бо и вся земл́я свеселит́ся, страсотéрпцы, мученицы́, апóстоли, ду́ши прáведных радóстно ны́не радуют́ся, вся спаса́ющее видя́ще, предлежа́щее посреде́ Богодаровáнное Дре́во, и ве́рныя освяща́ющее благодáтию.

Слава: Зако́ны Твоя́, Го́споди, безсо́вестный не сохрани́в, и́мам осудит́ся, егда́ приидеши́ с небесé судити́ челове́ческая дела́, отонудуже зову́ Тебе́: си́лою Креста́ Твоего́ обрати́в мя спаси́, пока́яния пода́я ми слéзы.

И ныне: Из дéвственныя, Ча́до, утробы́ Тя роди́х, и зря́щи на Дре́ве Тя ви́сима недоумева́юся, и не поёмлю́ высоты́ та́инства, и глубины́ вели́ких судéб

Твои́х, Всечы́стая вопия́ше; Ю́же гласы́ немóлчными, я́ко Ма́терь Бо́жию, ублажа́ем.

Спаси́ от бед раби́ Твоя́, Влады́ко Многоми́лостиве, си́лою Честна́го и Жив отворя́щаго Креста́ Твоего́, я́ко мы усер́дно к Тебе́ прибега́ем, ми́лостивому Влады́це, Го́споду Иису́су.

## **Песнь 5**

*Ирмос:* Вску́ю мя отри́нул еси́ от лица́ Твоего́, Све́те незаходи́мый, и покры́ла мя есть

чуждая тьма окаяннаго? Но обрати мя, и к свету заповедей Твоих пути моя направи, молюся.

**Слава, Господи, Кресту Твоему Честному.**

Воскликните языцы, воспойте, и пойте, колена възграйте Богу, давшему Крест, непоколебимое утверждение; того ныне во время воздержания наслаждаемя, питающе душу и помышление.

**Слава, Господи, Кресту Твоему Честному.**

Умная воинства ты вся почитают, Кресте всесвятый, и человецы бранными касающися тебе устнами днесь, почерпаем любовьию освящение и благословение, на Тебе пригвождагося славяще.

Слава: Души моя страсти исцели временныя, благоутробне Господи, и поклонника мя святых страстей Твоих сподоби, временем поста лучша мя покажи, и злых удаление даруй, Преплагий.

И ныне: На Кресте зрящи, благодати ради от Тебе, Всенепорочная, паче ума Родшася, уязвлялася еси утробами, и глаголаша: увы Мне, Божественное Чудо, како о всех болелзнуеши? Покланяюся Твоему благоутробию, Господи.

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебе прибегаем, милостивому Владыце, Господу Иисусу.

## Песнь 6

**Ирмос:** Очисти мя, Спасе, многа бо беззакония моя, и из глубины зол возведи, молюся: к Тебе бо возопих, и услыши мя, Боже спасения моего.

**Слава, Господи, Кресту Твоему Честному.**

Кресту водрузившуся на земли, демоном падение бысть; егже ныне зряще мы преславно предлежаща, и лобызающе, от падений греховных востаем.

**Слава, Господи, Кресту Твоему Честному.**

Возносяще Тя Христа, яко Царя и Господа, егже даровал еси нам Крест, стену нерушимую, облобызаим, преполовением Божественнаго воздержания веселящися.

Слава: Велия всем нам дарования подай, Господень Крест зрится предлежащий, приступим, человецы, просвещение сердца и души почерпем.

И ныне: Постытися нам, Чистая, от злобы всякия укрепи, и злых и лукавых воздержатися деяний, присно, воспомогай, предстательство всех человеков сущая.

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебе прибегаем, милостивому Владыце, Господу Иисусу.

Господи помилуй. (Трижды.) Слава, и ныне.

## Кондак, глас 7

Не ктому пламенное оружие хранит врат Едемских, на тыя бо найде преславный союз Древо Крестное, смертное жало, и адова победа прогнася. Предстал бо еси, Спасе мой, вопия сущим во аде: внидите паки в рай.

## Икос

Три кресты водрузи на Голгофе Пилат, два разбойников, и один Жизнодавца. Егже виде ад, и рече сущим доле: о слуги мои, и силы моя! Кто водрузив гвоздие в сердце мое, деревяным мя копием внезапно прободет? И растерзаяся, внутренними моими болю, утробою уязвляюся, чувства моя смущают дух мой, и понуждаются изрыгати Адама, и сущия от Адама, древом данныя ми; Древо бо сия вводит паки в рай.

## Песнь 7

*Ирмос:* Божия снисхождения огонь устыдеса в Вавилоне иногда. Сего ради отроцы в пещи радованною ногою, яко во цветнице ликующе пояху: благословен еси, Боже отец наших.

**Слава, Господи, Кресту Твоему Честному.**

Времен вышший, во времени плоть носая является, и временныя страсти наша исцеляет благи ради, во время воздержания, в неже предлежит Божественный сей Крест, освящая нас.

**Слава, Господи, Кресту Твоему Честному.**

Поём, славим, и поклоняемся, и величаем Твою, Господи, Державу, яко подал еси нам, рабом Твоим, Крест Божественный, наслаждение неизживаемое, и хранителя душ и телес наших.

**Слава, Господи, Кресту Твоему Честному.**

Не покажи мя, Господи, в день испытания злыми унижена, не отрини от лица Твоего посрамлена, но ущедри, спаси мя Твоим Честным Крестом, яко Преблагий.

Слава: Прообразоваше благодать Твою, Кресте, услаждаяй Моисей воды горчайшия древом; ибо горести страстей избавихомся Твоею силою. Темже ны услади, целующия тя ныне во умилении душевнем.

И ныне: Ума моего тесноту Твоею молитвою расшири, Владычице, стеснившая вся наветы борца, и путем мя тесным настави, к пространству жития ити, Мати Божия.

Спаси от бед раби Твоя, Владыко Многомилостиве, силою Честного и Животворящего Креста Твоего, яко мы усердно к Тебе прибегаем, милостивому Владыце, Господу Иисусу.

## Песнь 8

*Ирмос:* Седмерицею пещь халдейский мучитель богочестивым неистовно разжже, силою же лучшею спасены сия виде, Творцу и Избавителю вопияше: отроцы, благословите, священницы, воспойте, людие, превозносите во вся веки.

**Слава, Господи, Кресту Твоему Честному.**

Древом иногда извлече от реки секиру Божественный Елисей, преднаписавтя издалеча, Кресте всечестный; от глубины бо прелести тобою к вере возведшея известнее, днешний день сподобляемся видети, и верою поклонятися Тебе, объемлюще спасение.

**Слава, Господи, Кресту Твоему Честному.**

Подзнаменова издалеча тебе, Кресте всечестный, в благословениях Иаков явленнее; мы же в благодати удостоившися видети тя, верою несумненною приступаем вси, и касающаяся богатное благословение объемлем, и свет, и спасение, и прегрешений разрешение.

**Слава, Господи, Кресту Твоему Честному.**

Убелівшесея деяньми добродетельными, приступим воздержания преполовением веселящесея, и облобызаим верою Господень Крест; яко да того управлеме силою, совершим течение в добром произволении, и достигнем Божественную осияваемы страсть.

Слава: Единоестественна, собезначальна, соприсносущна, сопрестольна, естество убо простое, разделительное же лица, Отца нерожденна, Сына, и Духа Святаго, несозданное существо и Божество вси воспевающе, поем: священницы, благословите, людие, превозносите во вся веки.

И ныне: Ныне яко Агнца незлобиваго зрю Тя всяща, и от беззаконных Кресту пригвождаема, Сыне Мой пребезначальный, рыданными терзаюся, и матерскими одержима есмь болезнями, Всечыстая вопияше. Юже гласы немолчны ми поим по долгу во вся веки.

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебе прибегаем, милостивому Владыце, Господу Иисусу.

## Песнь 9

**Ирмос:** Ужасеся о сем небо и земли удивившася концы, яко Бог явися человеком плотски, и чрево Твое бысть пространнейшее небес. Тем Тя, Богородицу, Ангелов и человек чиновачалия величают.

**Слава, Господи, Кресту Твоему Честному.**

Исцелил еси, Преблагий, мое сокрушение, на Кресте пригвождаемь гвоздем и иногда, руками Твоима и ногами, Всецарю, и в ребра прободаемь, оцтом и апаяемь и желчию, всех веселие, сладости славо, вечное избавление.

**Слава, Господи, Кресту Твоему Честному.**

Красен паче сапфира и злата, светозарен яко солнце еси, Божественный Кресте; лежа убо местом описан, и умными силами всюду окружаемь страшно, лучами же Божественными Твоея силы, просвещаяй вселенныя исполнения.

**Слава, Господи, Кресту Твоему Честному.**

Крест обуреваемых есть пристанище, наставник заблуждающих и утверждение, слава Христова, сила апостолов и пророков, постников держава, всех чело веков прибежище. Того посреде предлежаща вси зряще, воздержанием лобызаим.

Слава: Егда имаши приити на землю судити миру, егоже создал еси, Господи, ангельским предидущим Твоим воинством, и Кресту просиявающу паче зарей солнечных. Того могуществом ущедри мя, и спаси паче всех человеков и регрешившаго.

И ныне: Тления Тя кроме родих из чрева, прежде век Егоже Отец роди, и како тлеешь? Человецы терзают Тя, Сыне, и ребра ископывают копием, и рuce с ногами пригвождают безчеловечно, Всечыстая вопияше. Юже достойно величаем.

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебе прибегаем, милостивому Владыце, Господу Иисусу.